

GLADIOLUS  
DISSERTATIONE  
BOTANICA  
&  
THUNBERG





Smithsonian Libraries

*Adopt-a-Book Program*

Adopted by

Barbara Walsh



















D. D.

# GLADIOLUS,

QUEM,

DISSERTATIONE BOTANICA,

*CONS. EXPER. FACULT. MED. UPSALÆ,*

*PUBLICÆ VENTILANDUM EXHIBENT*

PRÆSES

**CAROL. P. THUNBERG,**

MED. DOCT. PROF. REG. ET EXTRAORD., ACAD. CÆSAR. N. C.

REG. SCIENT. HOLMIENS., SOCIET. SCIENT. UPS. PATR.

HOLMENS. BEROL. N. SCRUT. LUND. HARLEM.

AMSTEL. ET NIDROSIENS. MEMBRUM.

ET

RESPONDENS

**CHRISTEN ÆJMELÆUS,**

FENNO.



IN AUDIT. GUST. MAJ. D. XXVIII MAJI ANNO MDCCLXXXIV.

HORIS SOLITIS.

---

UPSALIÆ,

APUD JOHAN. EDMAN, DIRECT. ET REG. ACAD. TYPOGR.

CLAYTON

Chas. W. Richmond.

May 6, 1907.

228888

DISSERTATIO BOTANICA,  
DE  
GLADIOLO.

---

§. I.

**E**nfatarum ordinis Naturalis Genera, ob similitudinem nimiam, non sine difficultate insigni dignoscuntur, ut CROCUS & GALAXIA ab IXIA, IXIA a GLADIOLO, GLADIOLUS ab ANTHOLYZA, IRIS a MORÆA & SISYRINCHIO; MORÆA a FERRARIA, WITSE-  
NIA a DILATRIDE, DILATRIS a WACHENDORFIA. Quo enim magis affinia fuerint Genera, & quo plures species Genus contineat, eo major semper surgit difficultas eas rite distinguendi, sique hæc species a loco & cultura variantes simul assumant formas, longe major evadit hæc ipsa difficultas.

Hæc est ratio, cur plures harum, inprimis vero IXIÆ, GLADIOLI & ANTHOLYZÆ, species confuderint Auctores, quibus vivas hæc Enfatas examini accuratiori subijcere non contigit. GLADIOLUM itaque *ramosum* dixerunt plantam, quæ IXIA *crocea* polystachya flore luteo, GLADIOLUM *imbricatum*, quæ ANTHOLYZÆ forsan est species; GLADIOLUM *capitatum*, quæ MORÆA; IXIAM *africanam*, *gladiatam* & *chinensem*, quæ ad MORÆAS referendæ; IXIAM *alopecuroideam*, quæ GLADIOLUS nobis audit *spicatus*; IXIAM *paniculatam* & *longifloram*, quæ GLADIOLUS *longiflorus*;

A

*rus*; *IXIAM flabellifoliam* & *iridifoliam*, quæ *GLADI-  
OLO plicato* adnumerandæ; *IXIAM Fabricii*, quæ *GLA-  
DIOLUS anceps* dici debet; *IXIAM galaxiam* & *fuga-  
cissimam*, quæ *GALAXIÆ* Genus constituunt; *ANTHO-  
LYZAM merianam* & *merianellam*, quæ *GLADIOLUS  
merianus* & *merianellus*; *IXIAM hirsutam* & *WACHEN-  
DORFIAM umbellatam*, quæ *DILATRIS corymbosa*; *ANTHO-  
LYZAM mauram*, quæ *WITSENIA* erit, ut *Vete-  
rum* in his errores alto præteream silentio.

Ob variantes, quas induunt, a solo & climate, formas, varietates non raro pro diversis speciebus habuerunt Auctores, ut *GLADIOLUM carneum* pro *communi*, *GLADIOLUM permeabilem* pro *tristi*, *GLADIOLUM undulatum* pro *augusto*, *IXIAM milleri* pro *erocata*.

Si unquam sublatae erunt, vel saltem diminutae in Botanicis obvenientes difficultates, Genera singula, quam accurate fieri potest, describenda, præsertim in plantis vivis, ut certi eruantur characteres, quibus unius ab altero differentia vera pateat.

Ut vero hoc non animo solum perpenderem, sed etiam huic obtinendo fini meam qualemcunque conferrem aleam, & aliquam simul apud Te, B. L. dum specimen edo academicum, inirem gratiam, explicandum & describendum mihi assumpsi intricatum *GLADIOLI* Genus, proximis *IXIÆ* & *ANTHOLYZÆ* generibus adeo in haud paucis simile, ut in quibusdam examinandis speciebus dubius de Genere hæreat attentissimus, nec imperitus alias Botanophilus. Sepa-  
ra-

ratur tamen GLADIOLUS Triandrus & Monogynus frequenti charactere essentiali: *Corolla monopetala, tubulosa: tubo curvato; limbo 6-partito: laciniis suprema & infima extra vel intra laterales collocatis.*

## §. II.

## CHARACTER GENERICUS.

**CALYX.** *Spatha* bivalvis, infera, corolla brevior: *Valvulae* oblongae, persistentes, exterior major interiorem includens.

**COROL.** monopetala, tubulosa, supera. *Tubus* cylindricus, interdum basi filiformis, curvatus. *Limbus* 6-partitus, subcampanulatus: *lacinae* suprema & infima extra vel intra laterales, oblongae, erecto-patulae.

**STAM.** *Filamenta* tria, ori tubi inserta, filiformia, corolla breviora. *Antherae* incumbentes ovatae.

**PIST.** *Germen* inferum, triangulare, glabrum. *Stylus* filiformis, longitudine filamentorum. *Stigmata* tria, revoluto-patentia, obtusa, villosa.

**PERIC.** *Capsula* ovata, trigona, obtusa, striata, trivalvis, trilocularis.

**SEMINA** plurima, glabra.

Differt ab ANTHOLYZA: laciniis limbi subaequalibus; ab IXIA: tubo curvato & situ laciniarum limbi.

**SPATHA** vel est tubo corollae brevior vel longior; obtusa vel acuta; integra vel lacera; glabra vel hirsuta.

**TUBUS** COROLLÆ in hoc genere valde variat; est enim spatha brevior, æqualis vel longior; magis vel minus profunde partitus; ringens, cylindricus vel filiformis; simplex i. e. subæqualis vel duplex i. e. basi filiformis, dein cylindricus; curvatus vel geniculatus.

**LIMBUS** COROLLÆ 6-partitæ quoque variat, ut sit campanulatus sæpius; reflexus, patens & crispus rarius; æqualis vel inæqualis.

## §. III.

## DIVISIO SPECIERUM.

\* *SIMPLICES scapo indiviso:*

*α. ringentes; limbi laciniis divaricato-ringentibus.*

1. *montanus*: corollæ ringentis tubo spathæ obtusæ æquali, foliis ellipticis nervosis.
2. *flexuosus*: corollæ ringentis tubo spatha acuta longiore; scapo flexuoso.

*β. reflexi; limbi laciniis reflexis:*

3. *recurvus*: corollæ limbo reflexo, spica secunda, foliis linearibus.

*γ. patentes; limbi laciniis patentibus:*

4. *falcatus*: corollæ limbo patenti, folio lanceolato falcato.

*δ. campanulati; limbo campanulato:*

*α. erecti; floribus erectis:*

5. *biflorus*: corollæ erectæ limbo campanulato, scapo bifloro, foliis linearibus.
6. *dichotomus*: corollæ erectæ limbo campanulato, scapo bis dichotomo quadrifloro, foliis linearibus.

7. *cri-*

7. *crispus*. corollæ erectæ limbo campanulato, floribus secundis, foliis crispis.  
*b. nutantes; corollis cernuis:*
8. *tristis*: corollis cernuis, tubo simplici, foliis triner-  
 viis bifulcis linearibus.
9. *communis*: corollis cernuis, tubo simplici, foliis ensi-  
 formibus multinerviis.
10. *Watsonius*: corollis cernuis, tubo duplici, limbi la-  
 ciniis oblongis, foliis linearibus glabris.
11. *Merianellus*: corollis cernuis, tubo duplici, limbi  
 laciniis ovatis, foliis ensiformibus pilosis.
12. *Merianus*: corollis cernuis subcylindricis, tubo du-  
 plici, limbi laciniis ovatis, foliis ensiformi-  
 bus glabris.  
*c. imbricati; floribus imbricatis:*
13. *spicatus*: corollis erectis, spica imbricata disticha,  
 foliis linearibus.
- \* \* RAMOSI *scapo polystachyo*:
14. *alopecuroides*: polystachyus, spica imbricata disticha,  
 foliis ensiformibus nervosis.
15. *alatus*: polystachyus, corollæ laciniis lateralibus  
 latissimis, foliis ensiformibus glabris.
16. *bicolor*: polystachyus, corolla ringente, spathis la-  
 cero-aristatis, foliis ensiformibus glabris.
17. *anceps*: polystachyus, scapo ancipiti, spathis crispis.
18. *juncus*: polystachyus, floribus secundis, foliis lan-  
 ceolatis.
19. *setifolius*: polystachyus, foliis lineari-setaceis.
20. *marginatus*: polystachyus, spica longissima, floribus  
 alternis cernuis, foliis ensiformibus multi-  
 nerviis marginatis.

21. *augustus*: polytachyus, floribus secundis, spathis acutis, foliis ensiformibus.  
 22. *longiflorus*: polytachyus, tubo corollæ longissimo, spathis obtusis, foliisque ensiformibus glabris.  
 23. *tubiflorus*: polytachyus, tubo corollæ longissimo, spathis foliisque ellipticis plicatis, hirsutis.  
 24. *plicatus*: polytachyus, floribus secundis, spathis foliisque ensiformibus plicatis, hirsutis.  
 25. *spathaceus*: polytachyus, spathis membranaceis aristatis glabris, foliis ensiformibus plicatis hirsutis.  
 26. *gramineus*: polytachyus scapo laxo, spicis capillaribus flexuosis, foliis ensiformibus glabris.

## §. IV.

## DESCRIPTIONES SPECIERUM.

**Radix** bulbosa bulbo tunicato, carnosio, globoso.

**Scapus** obvenit simplex, divisus vel polytachyus; brevis vel altus; erectus, flexuosus vel laxis; teres vel anceps; nudus vel bracteatus.

**Folia** polymorpha: setacea, linearia, elliptica, lanceolata, ensiformia, equitantia; plana, nervosa, fulcata, plicata; glabra, pilosa.

**Florescentia** omnibus spicata, floribus paucis vel numerosis; spica erecta, nutante, flexuosa, secunda, imbricata, disticha vel dichotoma.

I. G. MONTANUS: corollæ ringentis tubo spathæ obtusæ æquali, foliis ellipticis nervosis.

*Scap.*



*Scapus* teres, flexuoso-erectus, virescens, glaber, pedalis.

*Folia* elliptica, integra, trinervia, glabra, palmaria usque spithamæa.

*Florum tubus* spathis brevior, *corollis* spathisque obtusis.

*Corollæ limbus* ringenti-bilabiatus; *labium* superius tripartitum macula purpurea; inferius profundius tripartitum.

2. G. FLEXUOSUS: *corollæ* ringentis tubo *spatha* acuta longiore, scapo flexuoso.

*Scapus* teres, flexuosus, erectus, glaber, pedalis.

*Folia* nulla sub florescentia.

*Spathæ* oblongo-lanceolatæ, acuminatæ, glabræ, tubo *corollæ* breviores, pollicares.

*Florum spica* ovata, 4-5-flora.

*Corolla* albido-incarnata: *tubus* *spatha* duplo longior; *limbus* ringens.

3. G. RECURVUS: *corollæ* limbo reflexo, *spica* secunda, foliis linearibus.

*Scapus* striatus, foliis fere totus vaginatus, curvatus, palmaris.

*Folia* tria vel quatuor, vaginantia, alternantia, linearia, striata, glabra, scapo breviora.

*Flores* secundi, tres vel quatuor, cernui, extus rubri, intus albi, limbi laciniis reflexis.

*Corollæ tubus* filiformis, virescens, *spatha* brevior: *limbi* laciniæ lanceolatæ, concavæ, patentireflexæ.

**LXII** falcatæ nimis affinis.

4. *G. FALCATUS*: corollæ limbo patenti, folio lanceolato falcato.

*Scapus* compressus, striatus, flexuosus, glaber, palmaris.

*Folium* unum vel duo, obverse-amplexicaule, ovato-lanceolatum, falcatum, obtusiusculum, integrum, striatum, glabrum, pollicare vel paullo ultra. Folium spathaceum in medio scapo.

*Spathæ* virides, obtusæ, tubo multo breviores.

*Corolla* cærulea limbo patenti.

*IXIÆ* excisæ affinis.

5. *G. BIFLORUS*: corollæ erectæ limbo campanulato, scapo bifloro, foliis linearibus.

*Scapus* totus vaginis foliorum tectus, erectus, pedalis.

*Folia* circiter tria, longe vaginantia, linearia, glabra, infimo brevissimo, supremo longitudine scapi.

*Flores* terminales, bini, coloris tristis.

6. *G. DICHOTOMUS*: corollæ erectæ limbo campanulato, scapo bis dichotomo quadrifloro, foliis linearibus.

*Scapus* teres, erectus, glaber, pedalis, apice bifidus, brachio singulo bifloro.

*Folium* basi vaginans, lineare, glabrum, scapo longius, spathaceum folium lineare, acutum, sub dichotomiis.

*Flores* secundi, erecti.

7. *G. CRISPUS*: corollæ erectæ limbo campanulato, floribus secundis, foliis crispis.

*Sca-*

*Scapus* teres, flexuoso-erectus, glaber, spithamæus usque pedalis.

*Folia* circiter quatuor, ensiformia, crispa, glabra, scapo breviora.

*Flores* secundi, 4-9, spathis brevissimis obtusis.

*Corollæ* albo-incarnatæ, erectæ, tubo sesquipollicari.

8. G. TRISTIS: corollis cernuis, tubo simplici, foliis trinerviis bifulcis linearibus.

*Scapus* simplex, vaginatus, erectus, glaber, crassitie culmi tritici, pedalis & ultra.

*Folia* alternatim vaginantia, linearia, acuta, striata, glabra, integerrima, superiora sensim breviora, circiter tria vel duo.

*Corolla* cernua. *Tabus* cylindricus, sensim ampliatus.

*Limbus* subinflatus: *lacinie* ovatæ, concavæ, acuminatæ, apice patulo; suprema latissima, intra proximas laterales, profundius divisa, subfornicata; infima angustissima extra laterales sibi proximas.

*Color corollæ* tristis, varius in variis individuis.

Varietates hujus quam plurimæ sunt:

a. *odorus*: *corolla* hyalina, albido-flavescente: *limbo* extus carina purpurea vel rufescente, apice intusque rufescenti-maculato, punctato.

b. *inodorus*: *corollæ* tubo hyalino-albido; *limbo* ex viridi-flavescente: *Laciniis* tribus superioribus intus extusque carinatis nervosisque purpurascentibus, tribus inferioribus carina punctisque purpurascentibus.

## Dissertatio Botanica.

- c. grandis*: corolla albido-tristi; laciniis tribus superioribus intus linea duplici purpurea, extus purpureo-multistriatis; inferioribus intus sulco medio flavescente, apice purpurascense; bipedalis, folio infimo subæquante scapum, profunde sulcato, tetragono.
- d. inodorus*: corollis albis, carinis externis stria duplici purpurea; laciniis tribus inferioribus intus basi lutescentibus, striis aliquot purpurascensibus; folio infimo subfiliformi, scapo duplo longiore.
- e. corollis* parvis, virescenti-albidis, plurimis.
- f. humilis*: corollis una vel binis, albo-incarnatis, spithamæus.
- g. punctatus*: odoratus, corolla cærulecente vel cærulecenti-carnea: infimæ tres laciniæ medio albæ lineis punctisque cæruleis. Flores alterni in scapo flexuoso.
- h. lutea*: corolla viridi-lutescenti, unica vel binis, scapo spithamæo.
- i. aphyllus*: corollis albido-incarnatis, quaternis, secundis; scapo pedali.
- k. ruber*: corollis albo-incarnatis, subsecundis, immaculatis; scapo subaphyllo, subpedali.
- l. purpureus*: corollis albo-purpureis, subternis, immaculatis; scapo folioso, pedali.
- m. inflatus*: corollis albo-purpureis, subinflatis, subternis, immaculatis; scapo folioso, pedali.
- n. violaceus*: corollis violaceis subinflatis, immaculatis, subquaternis, tubo brevi; scapo folioso, pedali.
- o. ha-*

*o. hastatus*: corollis albo-incarnatis macula hastata.  
*p. cordatus*: corollis albo-incarnatis, macula cordata; foliis planioribus.

*q. permeabilis*: floribus secundis plurimis; crescit in sabulosis (insulæ Equorum) Parden Eyland, florens Junio, scapo tripedali. *Folia* circiter 4, longe vaginantia, striata, plana, utrinque in medio & margine vena elevata pallida; inferiora longiora, pedalia; superiora sensim breviora. *Corollæ* tubus ampliatus, vix lineam longus. *Limbus* inflatus, extus albus linea media purpurea: *Lacinia* suprema latior, concavo-fornicata, intus alba, intra duas laterales; laterales duæ superiores albæ, apice extus intusque purpurascens, intus medio flavæ striis purpureis; infima extra laterales inferiores, alba, apice utrinque purpurascens.

Singularis hæc species folio infimo crassiusculo, lineari, intra marginem utrinque sulco profundo exarato; reliquis foliis spathæ similibus, convolutis, sed spathis longioribus.

9. G. COMMUNIS: corollis cernuis, tubo simplici, foliis ensiformibus, multinerviis.

*Scapus* teres, foliis ultra medium vaginatus, glaber, erectus, sesquipedalis.

*Folia* obversa, alternatim vaginantia, ensiformia, novem-nervia, glabra inferiora sensim breviora, scapo multo breviora, pollicem lata.

*Flores* alterni, cernui, purpurei, plures.

10. G. WATSONIUS: corollis cernuis, tubo duplici, limbi laciniis oblongis, foliis linearibus glabris.  
*Scapus* simplex, teres, foliis vaginatus, erectus, pedalis & ultra.  
*Folia* circiter tria, longe vaginantia vaginis striatis, lineari-lanceolata, acuminata, striata, glabra, scapo breviora, superioribus sensim brevioribus.  
*Flores* tres vel quinque, subsecundi, cernui, purpurei.  
*Corollæ tubus* duplex, basi filiformis, dein cylindricus, sesquipollicaris, geniculatus, curvatus; *Limbi laciniæ* oblongæ, acutæ.
11. G. MERIANELLUS: corollis cernuis, tubo duplici, limbi laciniis ovatis, foliis ensiformibus pilosis.  
*Scapus* simplex, vaginatus, inferne rectus, superne flexuosus, sesquipedalis.  
*Folia* unum vel duo, longe vaginantia vaginis striatis, pilosa, scapo breviora.  
*Flores* tres vel quatuor, secundi, cernui, flavo-incarnati.  
*Corollæ tubus* duplex, inferne filiformis, geniculatus, inde cylindricus, curvus. *Limbi laciniæ* subrotundæ.
12. G. MERIANUS: corollis cernuis cylindricis, tubo duplici, limbi laciniis ovatis, foliis ensiformibus glabris.  
*Scapus* simplex, teres, striatus, inferne foliis vaginatus, flexuoso-erectus, spithamæus.  
*Folia* plura usque 4, obverso margine vaginantia,

ria, ensiformia, obliqua, parum striata nervo medio utrinque elevato, integra, marginata, scapo breviora.

*Flores* 4 usque 8, alterni, cernui, purpurei.

*Corollæ tubus* basi filiformis, striatus, sensim ampliatus, geniculato-reflexus, inde inflato-cylindricus, lævis, nutans; a basi ad genu ungvicularis, a genu ad limbum pollicaris. *Limbus* campanulatus: *laciniæ* ovatæ, obtusissimæ cum acumine, concavæ, æquales, semiungviculares: suprema extra laterales proximæ; infima intra laterales inferiores.

13. *G. SPICATUS*: corollis erectis, spica imbricata disticha, foliis linearibus.

*Scapus* simplex, teres, vaginatus, erectus, spithamæus.

*Folia* quatuor alternantia, longe vaginantia, linearia, glabra, inferiora sensim breviora.

*Flores* distichi, imbricati, cærulei, circiter duodecim parium in spica pollicari.

Differt a sequenti floribus majoribus; spica breviori, sed latiori ovata; scapo simplici.

14. *G. ALOPECUROIDES*: polystachyus, spica imbricata disticha, foliis ensiformibus, nervosis.

*Radix* plurimis bulbillis constans.

*Scapus* foliis vaginatus, teres, flexuoso-erectus, apice polystachyus, spicis alternis virgatis, spithamæus.

*Folia* duo vel tria, alternatim longe vaginantia, linearia, striata, glabra, scapo breviora, superioribus sensim brevioribus.

*Flo-*

*Flores* distichi, imbricati, minimi.

*Spicae* lineares, digitales, erectae.

*Spathae* margine membranaceo, albo.

*Corollae* tubus vix spathis longior.

Variat scapo simplici & ramoso; corollis albis & caeruleis.

15. *G. ALATUS*: polytachyus, corollae laciniis lateralibus latissimis, foliis ensiformibus glabris.

*Scapus* compressus, flexuosus, erectus, striatus, simplex & ramosus, palmaris usque pedalis.

*Folia* alternatim vaginantia, ensiformia, striata, glabra, superioribus sensim brevioribus.

*Rachis* flexuosa, torta.

*Flores* alterni vel subsecundi, 3-7, magni.

*Spathae* tubo corollae longiores, integrae, virides.

*Laciniae* duae limbi corollae latiores.

Variat 1:0 floribus incarnatis, foliis brevioribus.

2:0 floribus tristibus reticulatis, foliis longioribus.

3:0 floribus violaceis, foliis longioribus.

16. *G. BICOLOR*: polytachyus, corolla ringente, spathis lacero-aristatis, foliis ensiformibus glabris.

*Scapus* subramosus, angulatus, striatus, sulco utrinque profundo exaratus, basi foliis vaginatus, glaber, flexuoso-erectus, spithameus.

*Folia* alternatim vaginantia, obversa, ensiformia, obtusa cum acumine, integra, striata, scapo duplo breviora.

*Spicae* duae; altera uniflora, tenuior; altera triflora crassior, longitudine dimidia scapi.

*Ra-*



*Rachis* angulata, flexuosa, glabra.

*Spatha* membranacea, apice lacerato-partita laciniis acutis, venosa, basi grisea, apice ferruginea.

*Corollæ tubus* filiformis, sensim ampliatus, superne inflatus, spatha duplo longior, flavus. *Limbi laciniæ* flavæ; suprema major concava, ovata, obtusa, pallide flava, apice cærulea: Laterales inferiores lanceolata, convoluta, flavæ, ultimo apice cæruleo: infima brevior, parum a reliquis separata, extra laterales collocata: Omnes basi linea duplici purpurea in ore tubi. Affinis *IXIÆ* bulbiferæ, respectu spatharum.

17. G. ANCEPS: polystachyus scapo ancipiti, spathis crispis.

*Scapus* ramosus, anceps, dentatus, spithamæus, glaber. Latera acuta & dentes purpurascens. *Rami* simplices, alterni, ancipites, dentati.

*Folia* semiamplexicaulia, obversa, curvata, ensiformia, nervoso-striata. Folia spathacea latere inferiore crispato-dentata, ramis breviora, digitalia, glabra.

*Flores* alterni.

*Spatha* exterior fere duplo major, obtusa, apice purpurea, compressa, striata, margine crispato-dentata ut in folia, ungvicularis.

*Corollæ tubus* filiformis, sensim ampliatus, spatha multo longior, pallide cæruleus; *limbi laciniæ* cærulescentes.

18. G. JUNCEUS: polytachyus floribus secundis, foliis lanceolatis.

*Scapus* sæpius ramosus, flexuosus, erectus, palmaris: ramis teretibus, striatis, divaricatis.

*Folia* 4-6, ovato-oblonga, subundulata, glabra, scapo breviora.

*Flores* 4-7, secundi, erecti, cærulecentes.

*Bractææ* brevissimæ, tubo corollæ multo breviores.

19. G. SETIFOLIUS: polytachyus foliis lineari-setaceis.

*Scapus* polytachyus, rarissime simplex, flexuosus, erectus, glaber, palmaris: ramis teretibus, erectis.

*Folia* circiter tria, lineari-setacea, sensim breviora, infimo longissimo scapum æquante.

*Flores* alterni, albi, ringentes, tubo spathis vix longiore.

20. G. MARGINATUS: polytachyus spica longissima, floribus alternis cernuis, foliis ensiformibus multinerviis marginatis.

*Scapus* simplex & polytachyus, sublignosus, foliis vaginatus, teres, glaber, strictus, crassitie fere digiti, pedalis usque 4-pedalis.

*Folia* ensiformia, vaginantia, scapo breviora, semipollicem lata, in medio & margine vena crassa flavescente marginata, venisque elevatis minoribus flavescentibus lineata, glabra, erecta; inferiora longiora, pedalia & ultra; superiora breviora, spithamæa, adpressa.

*Flores* magni, cernui.

*Spica* floribus alternis, digitalis usque pedalis, rachide flexuosa.

- Variat  $\alpha$ ) floribus albis.  
 $\beta$ ) — — — dilute rubris.  
 $\gamma$ ) — — — sanguineis.  
 $\delta$ ) — — — purpureis.

Distinguitur facile a ceteris GLADIOLIS: scapo longo, crasso, erecto, stricto; spica florum longissima, subramosa, pedali & ultra; foliis margine incrassato.

21. G. AUGUSTUS: polystachyus floribus secundis, spathis acutis, foliis ensiformibus.

*Scapus* simplex vel subramosus, vaginatus, teres, elevato-striatus, glaber, flexuoso-erectus, pedalis.

*Folia* vaginantia vaginis longis, ensiformia, elevato-striata striis albis, integra, glabra, scapo breviora, superiora sensim minora.

*Flores* secundi, adscendentes, spica longa simplici vel duabus palmaribus.

*Rachis* angulata, flexuosa, torta, glabra.

*Spathæ* longitudine tubi corollæ, ramis breviores, virides, pollicares.

*Limbi corollæ lacinie* sæpius undulatæ.

22. G. LONGIFLORUS: polystachyus tubo corollæ longissimo, spathis obtusis foliisque ensiformibus, glabris.

*Scapus* teres, simplex & polystachyus, erectus, glaber, pedalis & ultra.

*Folia* 3-4, ensiformia, nervosa, glabra, scapo breviora.

*Flores* alterni, albo-incarnati, plurimi, approximati.  
*Bractææ* membranaceæ, striatæ, brevissimæ.

*Tubus corollæ* pollicaris usque bipollicaris, apice ampliatuſ, curvuſ, erectuſ.

*Facies* IXIÆ, ſed tubuſ curvuſ & ſituſ limbi ſeparat.

23. *G. TUBIFLORUS*: polyſtachuſ tubo corollæ longiſſimo, ſpathiſ foliiſque ellipticiſ plicatiſ hirtutiſ.

*Radix* profunda.

*Scapuſ* breviffimuſ, ſæpe vix pollicariſ, foliiſ involutuſ, ramoſuſ, hirtuſ.

*Folia* plurima, circiter 6 & ultra, elliptica ſeu lineari enſiformia & utrinque attenuata, nervoſa, ſubplicata, piloſa, erecta, ſcapo longiora.

*Bractææ* oblongæ, hirtutiſſimæ, apice ferrugineæ, pollicareſ.

*Flores* alterni, incarnati, tubo corollæ ſpathiſ multotiſ longiori, filiſformi, apice ampliato, curvo.

*Facies* IXIÆ ſed limbuſ corollæ GLADIOLI.

*Affiniſ* ANTHOLYZIſ villoſitate & foliiſ.

24. *G. PLICATUS*: polyſtachuſ floribuſ ſecundiſ, ſpathiſ foliiſque enſiformibuſ plicatiſ hirtutiſ.

*Bulbuſ* magnitudine avellanæ, fibroſuſ fibriliſ longiſ, parum profunde inſidenuſ.

*Scapuſ* teruſ, villoſuſ, ſimplex vel ramoſuſ.

*Rami* alterni, breviffimi, inferioreſ longioreſ, villoſi.

*Folia* circiter ſena, margine obverſo vaginantia, enſiformia, obtuſa, craſſiuſcula, nervoſa nerviſ a latere interiori productiſ, plicata, villoſa, molliſ, erecta, apice obliqua, ſcapo paulo longiora, digitalia.

*Flo.*

*Flores* erecti, alterni vel sæpius secundi.

*Spathæ* villosæ in rachide flexuosa.

*Corolla* monopetala, subcampanulata. *Tubus* spathis longior. *Limbus* bilabiato-ringens, *laciniis* tribus inferioribus magis connexis, suprema profundius divisa. Lacinia suprema extra laterales proximas curvata, tota albido-violacea, latior. Laterales superiores paulo angustiores, obtusæ cum acumine, albido-violaceæ. Laterales inferiores reliquis paulo breviores, obtusæ, extus albido-violaceæ, intus macula magna oblonga albida, cui inclusa est figura tridentata rubro-violacea, continente figuram subulatam albam marginibus purpurascens. Infima extra laterales proximas, obtusa cum acumine, albido-violacea, intus macula oblonga purpurea, basi linea albida. Omnes laciniae margine crispæ, præsertim inferne.

*Anthæræ* dorso convexæ, cæruleæ, sulcatæ, albidæ; basi fissæ; apice obtusæ, subbifidæ.

Variat colore violaceo & purpureo corollis totis luteis, antheris violaceis & corollis albidis; floribus paucis & plurimis, alternis, secundis; scapis brevissimis & altioribus.

*Folia* flabelliformia sæpe finduntur apice ut in ARECA.

Affinis ANTHOLYZIS florescentia, WACHENDORFIE foliis, IXLE corollis.

25. **G. SPATHACEUS**: polystachyus spathis membranaceis aristatis glabris foliis ensiformibus plicatis hirsutis.

*Scapus* vaginatus, spithamæus, superne polystachyus.

*Folia* ensiformia, nervosa, villosa, scapi longitudine.

*Flores* albi, tubo corollæ spathis multo longiore.

*Spicæ* imbricatæ, digitales, plurimæ.

*Spathæ* membranaceæ, sæpe lacerae, aristatæ.

Similis GLADIOLO tubifloro & plicato; sed differt spathis.

26. **G. GRAMINEUS**: polystachyus scapo laxo, spicis capillaribus flexuosis, foliis ensiformibus glabris.

*Scapus* filiformis, subcompressus, sulcatus, flexuosus, scandens, laxis, glaber, polystachyus, longissimus.

*Folia* 3-4, ensiformia, tenuia, glabra, scapo breviora.

*Flores* in ramis capillaribus flexuosis sparsi, minimi, albi.

*Spatha* obtusa cum acumine carinato, virescens, magine membranaceo albo.

*Corolla* subcampanulata: *tubus* brevissimus, virescens, spathis brevior; *limbi laciniæ* ovatae, aristatae, concavae, subæquales: *suprema* paulo brevior extra laterales superiores: *infima* paulo angustior intra laterales inferiores. Omnes carina extus virescente, intus linea purpurea, semiungviculares. *Arista* lineam longa, cærulea.

*Corolla* decidua situ laciniarum limbi refert GLADIOLUM, licet *tubus* brevissimus.

*Capsula* obcordata, retusa.

Primo intuitu gramen diceret, corolla tamen  
GLADIOLI.

§. V.

SYNONYMA.

G. RECURVUS: Linn. Syst. Veg. p. 77. Mant. p. 28.

G. TRISTIS: Linn. Spec. Pl. p. 53. Syst. Veg. p. 77.  
*Gladiolus* permeabilis. La Roche Diss. p. 27. t. 2.  
*Europæis*: Affricaner.

G. COMMUNIS: Linn. Syst. Veg. p. 76. Spec. Pl. p. 52.  
*Gladiolus* carneus. La Roche Diss. p. 30. t. 4.

G. MERIANELLUS: *Antholyza* Merianella. Lin. Syst.  
Veg. p. 77.

G. MERIANUS: *Antholyza* Meriana. Linn. Syst. Veg.  
p. 77. Spec. Pl. p. 54.

G. SPICATUS: *Gladiolus* spicatus? Linn. Syst. Veg. p.  
77. Spec. Pl. p. 53.

*Ixia* alopecuroidea. Linn. Supplem. System. p. 92.

G. ALOPECUROIDES: Linn. Syst. Veg. p. 77. Spec. Pl.  
p. 54.

G. ALATUS: *Gladiolus* flore singulari miniato, inferi-  
oribus laciniis luteo-viridibus. Breyn. Rar. p.  
25. t. 12. f. 2.

*Gladiolus* alatus, Linn. Syst. Veg. p. 77. Spec. Pl. p. 53.

G. ANCEPS: *Ixia* Fabricii. La Roche. Diss. p. 18.  
*Gladiolus* anceps. Linn. Supplem. p. 94.

G. AUGUSTUS: Breyn. Icon. t. 7. f. 2? Linn. Syst.  
Veg. p. 77. Spec. Pl. p. 53.

*Gladiolus* undulatus: Linn. Syst. Veg. p. 77. Mant. p.  
27. G. LON-

- G. LONGIFLORUS: *Ixia* paniculata. La Roche. Diff. p. 26. t. I.  
*Ixia* longiflora. Berg. Pl. Cap. p. 7.  
*Gladiolus* longiflorus. Linn. Supplem. p. 96.
- G. PLICATUS: *Ixia* flabellifolia. La Roche Diff. p. 24.  
*Ixia* iridifolia, ibid. p. 24.  
*Gladiolus* plicatus. Linn. Syst. Veg. p. 77. Spec. Pl. p. 53.  
*Europæis*: Babianer.
- G. CRISPUS, JUNCEUS: Linn. Suppl. Syst. p. 94.
- G. MONTANUS, MARGINATUS, GRAMINEUS: ib. p. 95.
- G. FLEXUOSUS, FALCATUS, TUBIFLORUS, SETIFOLIUS, SPATHACEUS: ibid. p. 96.

## §. VI.

## LOCUS.

GLADIOLUS *communis* habitat in Europa australi:  
*imbricatus* in Russia.  
*biflorus* in Terra Magellanica.

Ceteræ omnes species in Africes australi angulo,  
 Caput bonæ spei dicto, vel in ipsis montibus, vel locis arenosis depresso, vel collibus graminosis apricis sponte crescentes reperiuntur, ut

*Montanus* in ipsa planitie montis tabularis.

*Crispus* in montibus Rode Sand & Piketberg.

*Tristis* in collibus prope urbem, extra Cap in campis, juxta Drakenstein & alibi.

*Watsonius* ad latera montium capensium, præcipue in Leuwestaart, juxta Constantiam & alibi.

*Merianellus* in summo montium inter Nordhoek & Baijsfais.



*Merianus* prope Valsrivier & alibi.

*Spicatus* in summis montibus Hottentots Holland.

*Alopecuroides* prope Cap, Swellendam, in Carro & sæpe in ipsis viis.

*Alatus* in Groene Kloof, Swartlandiæ collibus arenosis, Bockeveld alibique.

*Bicolor* in collibus Groene Kloof.

*Anceps* in Swartland & regionibus Saldahnæbay.

*Funceus* in Lange Kloof.

*Marginatus* in summo Taffelberg, & aliis altis montibus, in collibus sæpe infra montes a Cap usque ad Hauteniquas locis graminosis ea sæpe copia, ut integræ colles e longinquo quasi pulcherrimo panno rubro tectæ appareant.

*Augustus* in Campis sterilissimis Carro.

*Longiflorus* in Lange Kloof, arenosis Swartlandiæ & Helenæbay.

*Tubiflorus* in Swartland.

*Plicatus* in collibus infimis infra latus occidentale Leuwebild juxta littus, prope urbem Cap, in Swartland, Rode Sand & alibi vulgatissimus.

*Spathaceus* in Bockland & Hantum.

*Gramineus* prope Cap, in Groene Kloof collibus, & juxta Bergrivier.

#### §. VII.

#### FLORENDI TEMPUS

Scilicet Vernale, Gladiolis idem ac plurimis aliis Ensatis destinatum fuit; prius tamen illæ proveniunt species, quæ loca occupant depressa, & serius illæ, quæ in altis montibus elevatum & frigidius amant.

clima. Nonnullis florendi tempus breve observatur, dum aliis per plures menses florere conceditur. Florent *Majo, Junio, Julio, Augusto*: *Watsonius*, recurvus, tristis, plicatus.

*Augusto, Septembri, Octobri*: plicatus, merianus, alatus, bicolor, anceps, tubiflorus, gramineus.

*Octobri, Novembri, Decembri*: gramineus, augustus, longiflorus, spathaceus, crispus, junceus, alopecuroides, marginatus.

*Decembri, Januario*: marginatus, spicatus.

*Februario, Martio, Aprili*: montanus, flexuosus, Merianellus.

### §. VIII.

#### USUS.

Idem hujus est Generis, ac Ixiarum, scilicet

1:0 edules plures sunt horum bulbi carnosius, expetiti non solum Europæis, qui hodie Africam australem incolunt & Hottentottis, sed etiam Simiis variisque aliis animalibus, imprimis e Glirium Ordine, fodientibus. Maxime vero omnium huic usui inservit *Gladiolus plicatus*, cujus bulbi a Simiis eradicati & a tunicis purgati crudes devorantur, cocti autem a rusticis quandoque comeduntur.

2:0 Ob flores magis vel minus speciosos, variae species, imprimis *communis, tristis, alatus, augustus, longiflorus* & *plicatus*, in Magnatum & Botanicorum hortis jus quasi civitatis obtinuerunt, & adhuc inter rariores pulcherrimasque bulbosas plantas coluntur, variant coloribus atque scapo ramoso, & floribus multiplicatis mirifice luxuriant.

3:0 Odore grato aliquot sese commendant species, ut præ aliis *tristis* & *recurvus*, qui vesperi florentes odorem spargunt, ille suavem, hic caryophyllorum aromaticorum debilem.

